

《中國地方藝文薈萃》編委會 編

中國地方藝文薈萃

學苑出版社

第五卷·第五輯 貳

華東卷·第五輯

貳

中國地方藝文薈萃

《中國地方藝文薈萃》編委會 編

貴州師範學院內部使用

梁溪詩鈔五十八卷（二）

貴州师范学院内部使用

梁溪詩鈔五十八卷（二）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之四

明 永樂 宣德 正統
景泰 天順

王舍人綬 四十九首

殷方伯序 一首

茹養愚滉 二首

茹壽光洪 一首

朱靜邊夏 三首

李處士戮 四首

翟教授宏 一首

張憲副思安 一首

楊都憲璿 三首

成僉事始終 十首

鄒梅雪驄 一首

浦草堂鼎 二首

劉刺史宏 一首

許農剖簾 二首

倪侍御敬 二首

陳水部勉 一首

錢偃師綱 一首

陸益都志 一首

尤伯子謙 二首

尤司馬諤 一首

張節推九方 三首

尤處士誠 一首

盛總憲顥 四首

周侍御清 一首

吳復民謙 二首

章節庵洪 二首

余處士睦 一首

楊儀部琛 二首

秦東臯璠 一首

秦贈公霖 六首

余伴讀樞 一首

張福州遜 一首

華處士藻 二首

吳處士翀 一首

范止庵穆 一首

徐南山壽 一首

潘杏虎賓 二首

俞先生鑑 一首

顧封公懋章 一首

九世祖筠軒公詩八首 榮章

以上共四十人

梁溪詩鈔卷四

梁溪顧光旭華陽氏集

明

王舍人紱

字孟端號友石生又號九龍山人永樂初

官中書舍人有友石先生詩集行世曾榮

王進為之序

會榮序摘敘於此王君孟端好讀書喜吟咏而尤工山水

墨竹中更多故厄窮連蹇於羈旅道路之

問者十有餘年其後乃用薦以善書選入

翰林者又十有餘年始得拜官未幾遂以

疾歿於北京之官舍君為人負氣節狀貌

奇偉襟懷灑然其平生於人無所屈雖工

於畫遇知己輒縱筆揮灑無所恡徃徃入

少

神入妙有不可意或非其人輒白眼視詬
詈弗顧其爲詩觸景撫事隨其興之所至
情之所發不計工拙而自合矩度康熙中
朱彝尊爲之傳摘敘於此九龍山人於書
法動以古人自期畫不苟作游覽之頃酒
酣握管遇長廊素壁淋漓灑有投金帛
購片楮者輒拂袖起或閉門不納甚至詬
厲勿顧也在京師月下聞吹簫聲喜甚乘
興寫竹石圖明旦訪其人贈之則估客也
客以紅氍毹爲餽請再寫一枝爲配紱笑
曰我爲簫聲訪汝以簫材報汝汝俗子也
索前畫裂之還其餽一日退朝黔公沐晟
從後呼其字紱不應同列語之曰此黔公
也紱曰我非不聞之是必與我索畫爾晟
走及之果以畫請紱領之而已踰數年晟
復以書來紱始爲作畫旣而曰我畫直遺
黔公不可黔公客平仲微者我友也以此
寄之俟黔公與求則可耳其高介絕俗如
此

爲翰林典籍沈民則題樂琴書處

沈君搆華軒藏書復藏琴書以載古道琴以傳古
音古人不可見唯此悅我心我心旣自悅外慮俱
消沉雨餘深竹淨日轉高梧陰弦誦苟世守奚須
滿籛金

訪陳羽士道寧因贈

我生樂夷曠幽抱常冲虛偶客京華塵不異林泉
居時來訪仙侶相與論道書凝神入無象妙觀天
地初物我旣莫立孰謂形迹拘吹笙碧桃春天風
動霞裾孤雲度碧落六合乃吾廬出門感羣動役

役將何如

送楊得昂

我適桑乾歸君猶五溪去飄流若萍梗何由復相
遇迢迢江上山歷歷煙中樹後夜月明時相思渺
何處

題秋菊軒

九月霜露零秋氣已云肅草木盡凋瘁而有籬下
菊粲粲如有情盈盈抱幽獨我欲餐其英采之不
盈掬呼兒具鷄黍白酒正可漉素心二三人於焉
敘心曲陶然付一醉萬事亦已足咏歌柴桑詩千

載有餘馥

題成趣軒

桑麻日已長稼穡日已成門巷蔭榆柳隔屋縑車
與生平寡營爲遂此田園清衣食幸不乏公賦尤
實不舉家情欣欣淡然忘世榮力作雖云勞濁酒
時共傾豈意事高尚所樂安吾生

雨中過歐陽編修館題竹木畫上

我生本寂寞况茲久羈旅偶君素心人來往送賓
主秋聲動高樹暝色渺烟渚孤館坐題詩蕭蕭正
風雨

題畫贈李醫士士文

養癯坐虛館何由制頽齡藥物固所賴奈此白髮
生據梧聊自適褰幔當前楹涼風颯已至庭柯落
秋聲天空暮雲遠日落遙山橫攄懷託豪素悠悠
塵外情卷之聊遺君非敢侔報瓊

題青山白雲圖

我昔九龍山下住結廬正在雲深處日日看山還
看雲長教剪却當簷樹無端一別猿鶴羣馬蹄南
北徒紛紜塵途底事拂衣晚回首愧負山中雲
過華叔端草堂寫晴雨竹壁上